



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Confessio Fidei Exhibita Invictiss. Imp. Carolo V. Caesari
Avg. in Comicijs Augustæ. Anno M. D. XXX.**

Melanchthon, Philipp

Augsburg, 1535

VD16 C 4710

Qvid Patres De Sacrificio Senserint.

urn:nbn:de:hbz:466:1-34184

DE SACRIFICIO.

QVID PATRES DE SACRIFI
CIO SENSERINT.

Eucharistia

ET quoniam loca Scripturæ quæ contra nos citantur explicauimus, de Patribus etiam respondendum est. Non ignoramus Missam a Patribus appellari sacrificium, sed hi non uolunt Missam ex opere operato, conferre gratiam, & applicatam pro alijs mereri eis remissionem peccatorum culpæ & poenæ. Vbi leguntur hæc portenta uerborum apud Patres: sed aperte testatur se de gratiarum actione loqui. Ideoq; uocant ἐυχαριστίαν. Diximus autem supra sacrificium ἐυχαριστίαν non mereri reconciliationem, sed fieri a reconciliatis, sicut afflictiones non merentur reconciliationem, sed tunc sunt sacrificia ἐυχαριστία, quando reconciliati, sustinent eas. Et hoc responsum in genere ad Patrū dicta, satis tueretur nos contra aduersarios. Certum est enim illa figmenta de merito operis operati nusquam extare apud Patres. Sed ut tota causa inveniēnspici possit, dicemus & nos de usu sacramenti, ea quæ certum est consentanea esse Patribus & Scripturæ.

DE VSV SACRAMENTI, ET
DE SACRIFICIO.

Sympathia

Quidam belli homines singūt cœnam Domini institutam esse propter duas causas. Primum, ut sit nota & testimoniūm professionis, sicut certa forma cuculli est signum certe professionis. Deinde cogitant præcipue tam notam Christo placuisse, uidelicet conuiuum, ut significaret mutuā inter Christianos coniunctionem atq; amicitiam, quia symposia sunt signa fœderū, & amicitiæ. Sed hæc opinio est ciuilis, nec ostendit præcipuum usum rerū a Deo traditarum, Tantum de caritate exercenda loquitur, quam homines prophani & ciuiles, ut cuncti intelligunt, De fide non loquitur, quæ quid sit, pauci intelligunt.

Sacramenta